

ENW'R PWYLLGOR CRAFFU	PWYLLGOR CRAFFU CYMUNEDAU
DYDDIAD Y CYFARFOD	12 Ionawr 2016
TEITL	Y Gwasanaeth Difa Pla
AWDUR	Dafydd Wyn Williams, Pennaeth Adran Rheoleiddio (Dros Dro)
AELOD CABINET	Y Cyngorydd Dafydd Meurig
PWRPAS	Craffu opsiynau posib ar gyfer darpariaeth y gwasanaeth difa pla i'r dyfodol

1. CEFNDIR

1.1 Fel rhan o raglen arbedion effeithlonrwydd yr Adran Rheoleiddio ar gyfer 2015-18 cyflwynwyd arbedion gwerth £67,000 drwy ddileu'r gwasanaeth difa pla sydd i mewn Gwasanaeth Gwarchod y Cyhoedd yr Adran. Pan gyflwynwyd cynlluniau arbedion effeithlonrwydd yr Adran i'r Cabinet, penderfyniad y Cabinet o safbwynt y Gwasanaeth Difa Pla, oedd gofyn i'r Pwyllgor Craffu Cymunedau gael eglurder ar wir effaith y prif opsiynau gan gyfarch y cwestiynau isod:

- Petasai'r ffi yn codi er mwyn adfer y gost o ddarparu'r gwasanaeth, a fyddai dal yn gystadleuol gyda'r sector breifat?
- Beth fyddai'r effaith o godi'r ffi ar adrannau eraill Cyngor Gwynedd?

1.2 Y bwriad ar y pryd oedd adrodd ar y mater i'r Pwyllgor Craffu yn Nhachwedd 2015, ond nid oedd hyn yn bosib oherwydd newidiadau rheolaethol o fewn yr Adran a'r Gwasanaeth Gwarchod y Cyhoedd a blaenoriaethau eraill oedd yn codi'n sgil hynny.

2. PWRPAS

2.1 Gan ystyried penderfyniad y Cabinet a'r cwestiynau uchod, mae 3 prif elfen i bwrpas yr adroddiad yma i'r Pwyllgor Craffu, sydd fel a ganlyn:

1. Esboniad o natur y gwasanaeth rheolaeth a difa pla.
2. Amlinellu a diweddarau'r pwyllgor ar beth sydd dan ystyriaeth o ran arbediad effeithlonrwydd.
3. Esbonio i'r pwyllgor yr ystyriaethau sydd dan sylw gan yr Adran Rheoleiddio i gwrdd â'r arbediad sydd ei angen.

2.2 Fe fydd yr adroddiad hefyd yn ymateb i'r dymuniad gan aelodau'r Pwyllgor Craffu yn dilyn y cyfarfod paratoi, i gael gwybodaeth bellach ar 4 pwynt er mwyn cael gwell dealltwriaeth o'r gwasanaeth ac effaith posib o leihau'r gyllideb fel a ganlyn:

- Gwybodaeth am y mathau gwahanol o blâu sydd yn derbyn sylw (hynny yw bod pawb yn sôn am lygod mawr ond mae angen cael darlun llawnach o beth yw'r gwasanaeth)


- Nodyn yn adrodd os yw'r symudiad i gasgliadau tair wythnos wedi cael effaith o weld cynnydd mewn amlygrwydd pla yn y sir
- Nodyn am y graddau y mae darpariaeth breifat ar gael sydd yn gallu llenwi unrhyw wagle pe byddai'r arbediad yn cael ei wireddu
- Dadansoddiad o'r posibilrwydd o wneud y gwasanaeth yn fwy effeithiol trwy gynyddu ffioedd ar ei gyfer

3. ESBONIAD O NATUR Y GWASANAETH RHEOLAETH A DIFA PLA

3.1 Nid yw'n ofynnol yn ôl y gyfraith i Awdurdodau Lleol ddarparu gwasanaeth rheoli a difa pla. Fodd bynnag, o dan y Ddeddf Diogelu Difrod gan Bla 1949 (Prevention of Damage by Pests Act 1949) mae'n ofynnol iddynt gymryd camau angenrheidiol i sicrhau, cyn belled ag y bo'n ymarferol, bod eu hardal yn cael ei gadw'n rhydd rhag llygod mawr a bach. Yn benodol, rhaid i'r awdurdodau lleol gadw ei eiddo ei hun a thir arall y mae'n ei feddiannu yn rhydd rhag llygod mawr a bach. Mae gofyn iddynt hefyd sicrhau bod perchnogion a meddianwyr tiroedd eraill yn cydymffurfio a'u dyletswyddau tebyg o dan y Ddeddf.

3.2 Mae'r Uned Rheoli a Difa Pla yng Ngwynedd yn bodoli o fewn yr Uned Gwasanaethau Cleientiaid, Gwarchod y Cyhoedd. Mae gwasanaeth Gwarchod y Cyhoedd yn cyflogi 4 swyddog llawn amser i weithredu fel Swyddogion Difa Pla/Wardeniaid Anifeiliaid. Mae'r swyddogion yn treillio 70% o'u hamser yn darparu gwasanaeth Rheoli a Difa Pla, 20% o'u hamser yn darparu gwasanaeth statudol Rheoli Cŵn ac mae 10% o'u hamser ar gydweithio gyda'r Swyddogion Iechyd Amgylchedd ar faterion statudol o wahardd niwsans sŵn a gwarchod iechyd cyhoeddus. Mae holl gostau sy'n gysylltiedig â chyflogi'r swyddogion wedi eu rhannu rhwng y penawdau gwaith hyn, ac yn cael ei ddangos ar ffurf diagram yn Ffigur 1.

Ffigur 1: Diagram yn dangos rhaniad gwaith swyddogion rheolaeth a difa pla:



3.3 Mae'r uned yn cynnig gwasanaeth drwy gytundeb i gleientiaid allanol a mewnol i reoli pla, yn ogystal â gwasanaeth ymatebol i ddifa pla.

4. GWAITH CYTUNDEBOL I REOLI PLA

- 4.1 Mae gan y gwasanaeth nifer o gytundebau gyda chleientiaid allanol a mewnol i reoli pla. Mae'r holl gytundebau mewnol ac allanol wedi eu hatodi yn **atodiad 1** er gwybodaeth a gellir gweld bod yr uned yn creu incwm o £25,868.08 drwy gytundebau allanol, a £24,319.24 drwy gytundebau mewnol, sydd yn gyfanswm o £50,187.32. Dylid nodi nad yw'r uned yn hysbysebu na marchnata'r gwasanaeth yma ar hyn o bryd.
- 4.2 Mae'r cytundebau yn cynnig contractau i atal a difa pla i fusnesau a sefydliadau masnachol ac i rai sefydliadau'r Cyngor. Mae'n bosib teilwra contract i gwrdd ag anghenion unigol, a gellir llunio contract 6 mis neu flwyddyn gyfan.
- 4.3 Mae contract safonol ar gyfer sefydliadau allanol yn cynnwys 4 ymweliad monitro ac i ddelio â llygod (bach neu fawr), yn ogystal â 4 ail ymweliad fel bo'r angen. Gellir ychwanegu at nifer yr ymweliadau ac at y math o blâu sydd i'w gynnwys o fewn contract. Mae pris y contract yn amrywio yn ddibynnol ar faint y safle a'r math o bla sydd i'w gynnwys yn y contract. Mae pris contract safonol blynyddol ar gyfer safle llai na 3600m² yn £243.56 neu £487.14 ar gyfer safle mwy. (Prisiau yn cynnwys TAW.)

5. GWAITH YMATEBOL DIFA PLA

- 5.1 Mae'r uned yn cynnig gwasanaeth ymatebol i ddifa pla ar eiddo domestig a masnachol ar gyfer ystod eang o bla.
- 5.2 Mae llawer o ganmol gan gwsmeriaid am y gwasanaeth hwn, ac mae'r gwasanaeth yn anelu i ymweld yr eiddo o fewn 3 diwrnod gwaith o dderbyn y cais. Mae'r driniaeth o unrhyw bla yn cynnwys mwyafswm o 4 ymweliad triniaeth, felly nid yw cost y driniaeth i'r cwsmer yn gwahaniaethu rhwng y nifer o ymweliadau triniaeth sydd angen i waredu'r pla. Mae'r ffioedd sydd yn cael eu codi am wasanaeth ymatebol difa pla wedi ei dangos yn Nhabl 1.

Tabl 1: Ffioedd am wasanaeth ymatebol difa pla.


Pla	Domestig	Masnachol
Llygod Mawr	£40.50	£47.49
Llygod Tŷ	£40.50	£47.49
Chwilod Du (cocroctsys)	£112.07	£132.10
Chwilod Gwely	£135.61	£159.85
Chwain	£46.27	£102.04
Gwiwerod Llwyd	£113.65	£133.98
Gwenyn Meirch	£49.97	£58.90
Gwenyn	£49.97	£58.90
Morgrug	£49.97	£58.90
Chwilod Bisgedi	£49.97	£58.90
Chwilod Carped	£49.97	£58.90
Pryfed Clwstwr/Gwybed	£49.97	£58.90
Pryfed Llyfrau	£49.97	£58.90
Gwyfynod	£49.97	£58.90
Gwiddon Llwhch Tŷ	£49.97	£58.90

- 5.3 Mae gwaith cefndirol wedi ei wneud i gymharu ffioedd am wasanaeth difa pla ar draws Cymru. Mae yna hefyd gwybodaeth ar ffioedd y sector breifat, ond mae'r rhain ar y cyfan wedi bod llawer fwy anodd cae pendantrwydd arnynt.
- 5.4 Oherwydd bod y sector breifat yn eithaf amddiffynnol o'r hyn maent yn gallu ei wneud ar y prisiau maent yn eu codi, mae yn anodd iawn bod yn bendant am y graddau y mae darpariaeth breifat ar gael sydd yn gallu llenwi unrhyw wagle pe byddai'r arbediad yn cael ei wireddu.
- 5.5 Mae'r gwasanaeth yn creu incwm o oddeutu £34,000 yn flynyddol o waith ymatebol difa pla, ac wrth gwrs does dim sicrwydd pendant ar faint yr incwm yma oherwydd natur y gwaith. Mae nifer o resymau amgylcheddol sydd yn cynyddu'r amllder pla, ac wrth gwrs mae ffynhonnell o fwyd parod yn gallu arwain at bla llygod mawr a bach. Mewn ymateb i gwestiwn penodol gan y pwyllgor yn gofyn a yw'r symudiad i gasgliadau tair wythnos wedi cael effaith o weld cynnydd mewn amlygrwydd pla yn y sir. Yr ateb syml yw nad yw'r gwasanaeth wedi gweld llawer o newid yn y galwadau oherwydd casgliadau biniau. Efallai yn annisgwyl i aelodau'r pwyllgor, ceisiadau am wasanaeth i gael gwared a gwenyn meirch sydd yn cael ei alw amdano fwyaf aml. Mae Tabl 2 yn dangos cymhariaeth o ba mor aml mae'r gwasanaeth yn cael eu galw i ddelio gyda gwahanol fath o bla. (Y mae'r ffigyrau yn unol â'r adroddiad Gwasanaethau Rheoleiddio CIPFA ar gyfer 2014-15.)

Tabl 2: Cymhariaeth o alw am wasanaethau difa pla yn 2014-2015.

Math o Bla	Cais am Gyngor	Cais Difa Pla
Llygod Mawr	240	354
Llygod Tŷ	62	156
Chwilod Du (cocrotsys)	3	2
Chwilod Gwely	7	3
Chwain	35	84
Gwiwerod Llwyd	4	2
Gwenyn Meirch	173	478
Gwenyn	55	8
Morghrug	17	53
Pryfetach eraill	56	46
Gwylanod	34	0
Arall	45	4
CYFANSWM	731	1190

Ffigwr 2: Dadansoddiad o'r 1190 o geisiadau am wasanaeth difa pla yn 2014-15



6. COSTAU Y GWASANAETH

6.1 Mae'r gyllideb ar gyfer y gwasanaeth Rheoli a Difa Pla am y flwyddyn 2015-16 yn amcangyfrif y bydd costau darparu'r gwasanaeth yn £144,880.

Staffio	£ 92,260
Fflyd	£ 8,900
Offer a nwyddau	£ 14,910
Ad-daliadau	<u>£ 28,810</u>
Cyfanswm Cost	£144,880

6.2 Mae targedau incwm wedi eu sefydlu ar gyfer y gwasanaeth Rheoli a Difa Pla, ac ar gyfer y flwyddyn 2015-16 £88,590 oedd y targed, sef £3,840 credyd pensiynau a £84,750 o ddarparu gwasanaeth, oedd wedi ei rannu fel a ganlyn:

Gwasanaeth ymatebol Allanol	£31,470
Gwasanaeth ymatebol Mewnol	<u>£ 3,140</u>
	£34,610
Contractau Allanol	£24,840
Contractau Mewnol	<u>£25,300</u>
	£50,140
Cyfanswm Incwm	£84,750

6.3 Felly cost net y gwasanaeth ar gyfer 2015-16 fyddai **£56,290** (£144,880 - £88,590), ac felly, fe fyddai yn rhaid i'r uned greu £56,290 o incwm ychwanegol i fod yn hunan gynhaliol.

6.4 Mae yn bwysig iawn nodi nad yw'r ffigwr o wneud yr uned yn hunan gynhaliol yr un ffigwr a fyddai yn cael ei arbed pe byddai'r uned yn cael ei diddymu. Mae'r uned yn cyfrannu £27,850 tuag at gostau canolig y Cyngor sef costau cyfreithiol, adnoddau dynol, rheolaeth y gwasanaeth ayyb. Fe fyddai yn rhaid i'r Cyngor ariannu'r gwasanaethau yma mewn rhyw ffordd, felly'r gwir arbediad i'r Cyngor pe byddai'r uned yn cael ei ddiddymu byddai **£28,440** (£56,290 - £27,850).

- 6.5 Mae'r gwasanaeth wedi ymdrechu i gynnal y nifer o gontractau yn 2015-16 ac erbyn hyn wedi llwyddo i greu 94 o gontractau allanol a 170 o gontractau mewnol. Disgwylir i'r incwm cwrdd y targed am y flwyddyn.

Contractau Allanol	£25,868
Contractau Mewnol	<u>£24,319</u>
	£50,187

- 6.6 Fodd bynnag, nid yw'r gwir incwm sydd yn cael ei greu drwy ddarparu gwasanaethau ymatebol mor ddibynnol oherwydd natur y gwaith, ond mae'r gwasanaeth yn llwyddo i fod yn agos iawn neu gyrraedd y targed o £34,610 yn flynyddol.

7. ARBEDIAD EFFEITHLONRWYDD DAN YSTYRIAETH

- 7.1 Pan drafodwyd arbediad cychwynnol o'r uned hon, yr oedd ffigwr o **£67,000** yn cael ei son amdano. Ar y pryd yr oedd 5 swyddog rheoli a difa pla yn yr uned, ac mae un swydd eisoes wedi ei diddymu o'r strwythur fel rhan o arbedion yr Adran, sydd yn gadael y sefyllfa gyfredol o 4 swyddog.
- 7.2 Debyg bod y ffigwr £67,000 wedi ei weithio allan ar y pryd fel y ffigwr i gyfarfod yr arbediad i'r Cyngor pe byddai'r uned yn cael ei diddymu, ond fel sydd wedi ei esbonio eisoes yn yr adroddiad yma, **£28,440** fyddai'r ffigwr yma bellach.

8. OPSIYNAU I GYFARFOD YR ARBEDIAD YN LLAWN NEU YN RHANNOL

- 8.1 Mae y rhan yma o'r adroddiad yn edrych ar opsiynau a dadansoddi'r posibilrwydd o wneud y gwasanaeth yn fwy effeithiol trwy gynyddu ffioedd ar ei gyfer, fe sydd wedi ei ddymuno gan y pwyllgor.
- 8.2 Cyn ystyried yr opsiynau sydd yn bosib mae yn bwysig cydnabod y sefyllfa bresennol o ran yr arbediad effeithlonrwydd sydd angen ei gyfarfod bellach. Mae dau ffigwr dan ystyriaeth sef £56,290 o incwm ychwanegol ei angen i wneud yr uned yn hunan gynhaliol ac £28,440 i gyfarfod yr arbediad pe byddai'r uned yn cael ei diddymu.

Opsiwn 1: Diddymu'r gwasanaeth rheoli a difa pla

- 8.3 Fe fyddai diddymu'r gwasanaethau difa pla yn gyfan gwbl yn cynnig arbediad o £28,440 i'r Cyngor. Mae yn rhaid ystyried effaith hyn ar rannau eraill o'r Cyngor. O ystyried y cytundebau mewnol sydd yn bodoli ar hyn o bryd, a fyddai sicrwydd o gael yr un ansawdd a lefel gwasanaeth gan y sector breifat am yr un pris? Mae'n rhaid hefyd ystyried effaith peidio gwneud y gwaith yn yr hir dymor o ran yr effaith amgylcheddol a'r effaith ar drigolion.

Opsiwn 2: Adolygu a chynyddu nifer y cytundebau rheoli a difa pla.

- 8.4 Nid oes adolygiad manwl wedi bod ar y lefel ffioedd cytundebau ers peth amser, a debyg bod angen rhoi sylw i hyn. Yn ogystal, nid yw'r gwasanaeth yn hysbysebu na marchnata'r gwasanaeth rheoli pla meant yn ei gynnig. Debyg bod cyfleoedd yn cael eu colli, yn enwedig gyda sefydliadau mawr o gynnig gwasanaeth. Mae Uwch Reolwr y Gwasanaeth yn barod wedi trafod gyda mwy nag un sefydliad o faint sylweddol i ddeall beth yw'r cyfleon, ac i geisio dod at gytundeb all fod o fudd i'r naill sefydliad.
- 8.5 Mae posibilidod hefyd adolygu'r cynllun lefel gwasanaeth mewnol ac eil edrych ar y ffi a be sydd yn cael ei gynnig, ac mae'r trafodaethau yma hefyd yn cael eu cynnal.

Opsiwn 3a: Codi ffioedd difa pla i fod yn hunan cynhaliol.

- 8.6 Mae targed incwm yr uned (blwyddyn 2015/16) yn £84,750, gyda chyfanswm cost yr uned yn £141,040. Golygai hyn bod angen cyfarfod cost o £56,290 i gael yr uned i fod yn hunan cynhaliol.
- 8.7 Yn ystod 2015/16 mae targed incwm o £31,470 drwy ffioedd rheoli pla (allanol), £24,840 drwy gytundebau rheoli pla (allanol), gyda £25,300 drwy gytundebau difa pla (mewnol), a £3,140 ffioedd difa pla (mewnol) sydd yn gyfanswm o £84,750. Mae'r proffil incwm presennol, ar cynnydd fyddai ei angen i gyfer gwneud yr uned yn hunan gynhaliol wedi ei amlinellu yn nhabl 3 isod

Tabl 3: Incwm presennol a'r cynnydd ei angen i gael uned hunan gynhaliol:

Ffrwd Incwm	Targed 2015/16	Codiad angen i'r targed	Targed incwm i fod yn hunan gynhaliol (codi 66%)
Ffioedd rheoli pla (allanol)	£31,470	£20,900	£52,370
Cytundebau rheoli pla (allanol)	£24,840	£16,500	£41,340
Cytundebau difa pla (mewnol)	£25,300	£16,800	£42,100
Ffioedd difa pla (mewnol)	£3,140	£2,090	£5,230
Cyfanswm	£84,750	£56,290	£141,040

- 8.8 Fe fyddai cwrdd â'r targedau incwm newydd yn golygu cynnydd o 66% yn ein ffioedd, fyddai yn golygu bod ffioedd y gofynnir am wasanaeth ymatebol fel y gwelir yn nhabl 4.

Tabl 4: Codiad yn y ffioedd ymatebol presennol o 66%:

Pla	Domestig	Domestig +66%	Masnachol	Masnachol +66%
Llygod Mawr	£40.50	£67.23	£47.49	£82.15
Llygod Tŷ	£40.50	£67.23	£47.49	£82.15
Chwilod Du (cocrotsys)	£112.07	£186.04	£132.10	£219.29
Chwilod Gwely	£135.61	£225.11	£159.85	£265.35
Chwain	£46.27	£76.81	£102.04	£169.39
Gwiwerod Llwyd	£113.65	£188.70	£133.98	£222.41
Gwenyn Meirch	£49.97	£82.95	£58.90	£97.77
Gwenyn	£49.97	£82.95	£58.90	£97.77
Morgrug	£49.97	£82.95	£58.90	£97.77
Chwilod Bisgedi	£49.97	£82.95	£58.90	£97.77
Chwilod Carped	£49.97	£82.95	£58.90	£97.77
Pryfed Clwstwr/Gwybed	£49.97	£82.95	£58.90	£97.77
Pryfed Llyfrau	£49.97	£82.95	£58.90	£97.77
Gwyfynod	£49.97	£82.95	£58.90	£97.77
Gwiddon Llwhch Tŷ	£49.97	£82.95	£58.90	£97.77

Opsiwn 3b: Codi ffioedd difa pla i gyfarfod yr arbediad o ddiddymu'r gwasanaeth:

- 8.9 Pe byddai'r targedau incwm, a'r ffioedd yn cynyddu i gyfarfod y ffigwr arbediad o ddiddymu'r gwasanaeth (£28,440), golygai gynydd o 33% yn y targed incwm, a gwelir hyn yn nhabl 5.

Tabl 5: Incwm presennol a'r cynnydd ei angen i gyfarfod yr arbediad o ddiddymu'r gwasanaeth difa pla.

Ffrwd Incwm	Targed 2015/16	Codiad angen i'r targed	Targed incwm i gyfarfod arbediad o ddiddymu'r uned (codi 33%)
Ffioedd rheoli pla (allanol)	£31,470	£10,560	£42,030
Cytundebau rheoli pla (allanol)	£24,840	£8,336	£33,176
Cytundebau difa pla (mewnol)	£25,300	£8,491	£33,791
Ffioedd difa pla (mewnol)	£3,140	£1,053	£4,193
Cyfanswm	£84,750	£28,440	£113,190

- 8.10 Fe fyddai cwrdd â'r targedau incwm newydd yn golygu cynnydd o 33% yn ein ffioedd, fyddai yn golygu bod ffioedd y gofynnir am wasanaeth ymatebol fel y gwelir yn nhabl 6.

Tabl 6: Codiad yn y ffioedd presennol o 33%:

Pla	Domestig	Domestig +33%	Masnachol	Masnachol +33%
Llygod Mawr	£40.50	£53.87	£47.49	£63.16
Llygod Tŷ	£40.50	£53.87	£47.49	£63.16
Chwilod Du (cocrotsys)	£112.07	£149.05	£132.10	£175.69
Chwilod Gwely	£135.61	£180.36	£159.85	£212.60
Chwain	£46.27	£61.54	£102.04	£135.71
Gwiwerod Llwyd	£113.65	£151.16	£133.98	£178.19
Gwenyn Meirch	£49.97	£66.46	£58.90	£78.34
Gwenyn	£49.97	£66.46	£58.90	£78.34
Morgrug	£49.97	£66.46	£58.90	£78.34
Chwilod Bisgedi	£49.97	£66.46	£58.90	£78.34
Chwilod Carped	£49.97	£66.46	£58.90	£78.34
Pryfed Clwstwr/Gwybed	£49.97	£66.46	£58.90	£78.34
Pryfed Llyfrau	£49.97	£66.46	£58.90	£78.34
Gwyfynod	£49.97	£66.46	£58.90	£78.34
Gwiddon Lluch Tŷ	£49.97	£66.46	£58.90	£78.34

- 8.11 Tra bod codi'r ffioedd am waith ymatebol yn bosib, debyg y byddai codi'r ffioedd i'r fath raddau ac sydd wedi ei amlinellu yn opsiynau 3a a 3b yn cael cryn effaith ar y cleientiaid gall y gwasanaeth eu denu, ac mae yn debygol mae canlyniad codi i'r fath raddau fyddai llawer llai o gleiantaid, ac felly lleihad yn yr incwm.

9. CASGLIADAU

- 9.1 Mae newidiadau wedi bod yn yr uned rheoli a difa pla yn ystod y 12 mis diwethaf sydd wedi arwain at ran o'r arbediad gwreiddiol oedd dan sylw yn cael ei wireddu. Mae hyn yn gadael dau ffigwr dan ystyriaeth sef £56,290 i wneud yr uned yn hunan gynhaliol a £28,440 i gwrdd â'r arbedion fyddai'r Cyngor yn ei wneud pe byddai'r gwasanaeth yma yn cael ei ddiddymu.
- 9.2 Mae cydnabyddiaeth gan yr Adran bod angen adolygiad o'r ffioedd cytundebau rheoli pla, yn ogystal â ffioedd difa pla ymatebol.
- 9.3 Debyg bod cynyddu ffioedd difa pla yn unig am arwain at lai o incwm yn y pen draw gan na fydd y gwasanaeth yn cynnig gwerth am arian i'r cwsmer.
- 9.4 Mae trafodaethau yn cael eu cynnal i gynyddu'r nifer o gytundebau am wasanaeth, yn ogystal â ffioedd a chytundeb lefel gwasanaeth mewmol.

10. ARGYMHELLION

- 10.1 I gydnabod bod rhan o'r arbediad wedi ei wireddu yn barod
- 10.2 I osod targed arbediad newydd fel isafswm o £28,440, sef yr arbediad a wneir pe byddai'r gwasanaeth yn cael ei diddymu, ond rhoi'r her i'r Adran o anelu at £56,290 sef yr incwm ychwanegol sydd ei angen i greu uned hunan gynhaliol.

- 10.3 Adolygu ffioedd rheoli a difa pla.
- 10.4 Marchnata a chynyddu nifer cytundebau rheoli pla ac adolygu cytundebau presennol.
- 10.5 Adrodd yn ôl i'r pwyllgor oddi fewn y 6 mis nesaf gydag argymhelliad cadarn ar strwythur ffioedd newydd, a thargedau incwm realistig